

ՆԱՄԱԿ ԽՄԲԱԳՐՈՒԹԵԱՆ

Թիֆլիս, նոյեմբ. 8.

«Մուրճ»-ի № 9-ում տպուած հերքումն արժանացել է
«Մշակ»-ի աշխատակից պ. Լ.-ի երկրորդ պատասխանին,
Համարելով՝

Որ մեր բանակուում ծագած հարցերից միջանիսը կա-
րելի է վերջնականապէս պարզել միայն այն ժամանակ,
երբ ձեռքի տակ կ'ունենանք Գրիգոր Արծրունու աշխատու-
թիւնների բոլոր հատորները.

Որ յատկապէս Գրիգոր Արծրունու նախամշակական
յօդուածներին վերաբերեալ հարցը բոլորովին պարզուած է.

Որ պ. Լ.-ի երկրորդ պատասխանը «տոնի» կողմից՝
իմ եւ իր, պ. Լ.-ի, արժանաւորութիւնից ցած է,—ես, իմ
կողմից, փակում իմ այդ վիճաբանութիւնը:

ՏԻԳՐԱՆ ՅՈՎՀԱՆՆԻՍԵԱՆ

Պ Ո Ս Տ Ա Ր Կ Ղ

ԲԱԶՄԱՎԷՊԻ ԽՄԲԱԳՐՈՒԹԵԱՆ.—Զգիտենք ինչո՞վ բացատրել որ
շարունակ մեզ շատ անելի ուշ էք ուղարկում «Գիտունին» եւ
«Բազմավէպը», քան «Մշակին»: Խորուժեան պատճառը
դժուարանում ենք բացատրել...

ԱԼԻԲԱՆԻԴԻԱ. Դ. Կ. Փ.—Ուրախութեամբ կատարեցինք ձեր խն-
դիրը:

ԹԻՖԼԻՍ. պ. Օ. Ֆ.—Մենք մեզ դատաւոր չենք համարում մարդկանց
մասնաւոր կեանքում, մանաւանդ երբ ամեն ինչ հիմ-
նուած է չճշտուած մեղադրանքների, նեղսիրտ խժրժանքի
եւ ասէկօսէների վրայ: Այն բոլոր գրուածքները, որոնք հա-
կառակ չեն իրանց ոգոյում մեր ուղղութեան եւ աշխար-
հայեացքին, մենք կ'ընդունենք անաչառ գնահատումով, բնաւ
չդեկավարուելով թէ սրա կամ նրա մասին ո՞վ ինչ է ասում
կամ մտածում: Մենք աշխատում ենք չզբաղուել անձնաւո-
րութիւններով: Այլ բան է, եթէ մէկի արարքը հասարակական
արդար նշաւակութեան է արժանացել. այդ դէպքում էլ
չպէտք է մոռանալ որ մարդկանց համադումարն էլ երբեմն
սխալական է. մի-մոռացէք Դրեյփուսին: Առհասարակ խոր-
հուրդ ենք տալիս՝ կուրօրէն չենթարկուել «հեղինակութիւննե-
րին». եղէք անկախ ճշմարտութեան եւ արդարութեան վիճ
որոնումների մէջ...